

# 星级改造 邻家女孩

新一岁,新气象,19岁的Color也要搞搞意思!平时教大家扮靓、变时尚嘅“靓Club”栏目都趁机全面升级,从原版本面呈现,落实成为线下体验,带大家沉浸式玩转时尚。可尔君仲邀请到艺人梁琤,同佢嘅时尚导师饶子怀,一起变身“星级时尚助力官”,为素人进行“星”级大变身。

郭玮/文 Color团队/图

## ：甜辣自由切换：

首期节目参加改造嘅素人嘉宾晨曦,本身係一位演员,同其他职业嘅人相比会有镜头感。因为生得细细粒,笑容甜美,晨曦平时仲中意泡泡袖、百褶裙等等可爱风嘅装束,睇落就相对减龄稚气,有啲邻家小妹嘅气质。最近佢想转个look,星级时尚助力官就准备为佢打造一款辣萌嘅造型,希望可以提升佢嘅“星味”。

## “星级时尚助力官” 梁琤、饶子怀

睇到晨曦平时嘅搭配都偏粉嫩,梁老师同饶老师都觉得,用深色系帮佢彻底反转“人设”可能会有突破。深咖色嘅连衣褙比浅色系列更稳重一啲,南瓜泡泡边嘅裙摆就可以延续佢嘅可爱风,令整体唔会过于成熟,小吊带嘅风格可以露出最显瘦嘅锁骨同天鹅颈,满足佢想变得辣辣嘅愿望。带金属扣嘅方胯小皮靴可以拉长腿部线条,同短裙搭配亦可以提升活力同时尚感。

## ：突出视觉焦点：

除咗服装搭配之外,梁老师同饶老师都针对晨曦嘅妆容,俾出咗专属建议。晨曦嘅自然小麦肤色本身就带辣妹属性,因为肤质唔错,老师就建议佢平日唔需要粉底打得太白,保持原有嘅肤色可以令整体更加自然。晨曦嘅五官同脸型都比较完美,唔需要太多修饰,所以老师帮佢设计咗干净利落嘅眼线,增加眼部嘅深邃感,眉毛基本按照原眉形填充颜色即可,最后再加翻少少眼影点缀,眼妆部分就已经够晒。

发型方面,晨曦原本嘅发色已经係渐变金色,搭配深咖色嘅连衣褙就好啱key,老师将佢原本比较贴面嘅直发,夹成柔顺嘅大波浪,视觉上增加层次感,令发量更丰盈亮泽,整体就会变得更质感。因为通体嘅搭配都偏沉色,最后只需要增加一对亮色夸张耳饰,就可以将整体视线聚集佢上部,令model面部成为视觉焦点。



## ：星级时尚助力官：

香港艺人梁琤与造型大师饶子怀,一同为Color全新升级嘅节目助力,首次“出征”就大成功。未来梁老师表示自己将会继续演艺圈继续深耕,尝试更多不用角色,而饶老师会把剧本,务求令佢嘅角色发挥得更好!



改造前

改造后

# 摇滚萌妹

四个志同道合嘅跨次元萌妹子,因为机缘巧合埋堆,一次饭局就定低团名叫做“四喜丸子”。现在,佢哋成为佐宝丽金唱片嘅首支跨次元国风摇滚乐队,钟爱国风,玩转摇滚,近日上线全新单曲《蜀汉无双》及MV,热血诠释别样新生代声音。

郭玮/文 秦丽莹、经纪公司提供/图

## 燃起跨次元国风

### 超燃国风

定位为跨次元国风摇滚乐队的“四喜丸子”,係由四位热爱音乐的女生组成嘅一支女子乐队,作品相当富有感染力。但佢哋近日加盟了宝丽金唱片,发布嘅首支单曲《蜀汉无双》正式上线。呢首歌以“三国”为创作背景,将三国典故、名臣英雄与高燃、热血嘅摇滚乐结合,又融入咗戏腔、饶舌等等音乐元素,作品整体给人一种刚柔并济、畅快淋漓感觉。而大制作的歌曲MV亦非常吸睛,以中国红为主色调画面,配合萌妹子嘅国风造型,浓郁的国潮味道扑面而来,贝斯、架子鼓等chok气十足的乐器,妥妥彰显女孩子嘅力量感,炫光冲击眼球、金属感音频狙击耳膜,燃爆视听体验。



### 团魂炸裂

“四喜丸子”的各位成员志趣相投、气场相洽,都係萌力十足的“动漫风”妹子,但又有自己鲜明嘅个人特色。主唱安琪走甜美路线,舞台上秒变“能力者”,释放声音力量嘅瞬间魅力超凡。鼓手冬冬以双马尾为标志,元气满满为逐梦之路不断敲击战鼓。吉他手润润表面高冷却有柔软内心,话少、内向,却在音符后默默发光发热,温暖每个爱的同伴。贝斯手端端稳重神秘,冷静思考下经常令人出其不意、充满惊喜。但佢哋将团名定为“四喜丸子”,係希望自己能呢道经典嘅中国传统名菜一样,承载中国传统文化精髓嘅同时,又可以人见人爱。一年四季有唔同惊喜,御风而行嘅“四喜丸子”为梦而歌,未来可期。



### 飒萌“双拼”

四喜丸子乐队成立有耐,在舞台上已经有板有眼,挥洒住自己嘅魅力,私底下嘅佢哋却係可爱爱嘅乖萌细路女。但佢哋中意一起开餐,又喜欢一起逛街买野,就好似普通女孩子咁贪玩、爱幻想。乖巧单纯嘅佢哋,目前只想专注做好乐队,因为有少女心“作祟”,令佢哋谗法天天都多。四个人嚟到广州出差,最大嘅感触係“广州好吃的东西太多啦!”而问到“嚟广州最遗憾嘅事”,竟然係“没有看见飞天大蟑螂!”四人透露,佢哋正在努力筹划新作品,有时又会跑偏考虑往厨师嘅方向发展……Color君相信,呢道萌萌甜可口嘅“中式菜”,一定会喺佢哋奇思妙想嘅“烹饪”手法中,带俾我哋创新刺激视听新体验!

